

龍游縣志

第十六冊

龍游縣志卷三十九

縣人 余紹宋 輯

文徵

附志三

詩三

文徵七

上塘嶺

黃濤

遊山仍傍水水曲路穿山鳥道凌空上羊腸望遠攀輶筒通絕澗屨棧補危灣豺虎
應藏跡荆棘近已刪

同沈鄭二公登塔山

黃濤

靈山塔寺迤臨流別是林泉一種幽此處何嘗邀鶴駕其間只合隱羊裘橋西竹木
青無盡午後烟雲爛不收解得使君招飲意乘閒相與放吟眸

烏石山

黃濤

石壁倚天開披榛弔古來雲慌聞虎氣日冷畏龍回密竹迷飛瀑孤鐘響積灰可知

僧久去寂寞剩香台

白伊嚴

黃濤

欲疑靈隱寺峭壁峙清泉蒼翠雲根異嵯峨石骨堅高山前哲里紅葉暮秋天悔上
藍輿急行行又隔山

發祥菴

黃濤

北郭精藍古東皋野草肥長虹垂碧水細竹隱朱扉畫煖鶯聲在香遲桂葉稀清言
流塵尾名理屬緇衣

百子閣觀社

黃濤

神皋社火識民風郭外登樓意氣雄煖日低迷紅霧裡春山斷續翠微中何期節候
盈川早未到清明曲水同老友醉歸傳酌事亂鞭隨耳在城東

泮林八詠

黃濤

西湖不一地異地可同名龍游一泓泉源自南山陰我聞口

原缺
爲馬字

學士疏濬擬西

冷入明建城郭隔斷雙湖青園林失舊跡花鳥自多春中有魚龍盡待聽風雨聲

詞

何人築露台中央猶宛在廉隅正人心高平復夷壇鄧儒胡敢問蓬茅數十載爲世作津梁指月同瀟灑孔顏等樂處濂洛合懸解夜靜聞絃歌澹台憶良宰

印心台

湖形南北廣東西近可涉泮林向巽離明堂忌冲澄昔賢築此堤一湖故兩截文星

耿河漢歲久歇湮滅畚鍤及春興妙理貴重設隔岸桃李花粲粲

文星堤

湛湛半輪月泮壁象澄涵君子觀大水昭曠甲江南魚躍動星辰雞鳴見南山西郭

岑山流曲瀟無枯乾百年苦閉塞一旦還清濶父老休噴噴官牆職所擔

泮池

上士志高閎亢極理必危達人樂卑牧但恐辱途泥置身此樓間庶幾可否齊仰止

識嘉名斗樞夙憑依會友以輔仁鳩詠况復宜願言銳如岑青雲可共梯

岑梯

大射禮不作揖讓久寥寥西湖髮相國隱淪歸民巢敬一有亭址闢草成神皋南北

百餘武足容弓矢調正已與反求吾黨無矜驕莫謂青青矜遷被雀鵲姚

君子堂

道統傳不絕萬古賴儒書匡山講太學處變實爲迂經歸不諱道茲席便爲虛龍山
雞鳴院古義亦拘隅何不名龍山利見風雲俱我將效道人問難無賢愚

龍山講院

昔憐鄭著作廣文官獨冷熱中亦何爲不如澹而永老夫葺小閣三面見樹頂晨夕
數卷書朋來共酒茗客星少微間相望古賢等四時一冰心南山對微暉

冷閣

印心台岑樓君子堂龍山講院今並廢矣錄此以存往跡

龍邱十二景

有序

黃濤

古今名勝類取八景瀟湘著始在在效顰或歎於數則牽綴一二以足之宜其限
於八也盈川山水幽曠古蹟實侈余太史謂舊志八圖半屬套泛套耳欣目賞反
有掛漏相與撫實參訂定爲十二景屬山人姜載繪冊而集能詩者唱和焉康熙
壬子春日記

學士湖清宕碧波南山蒼翠接城阿魚龍石鼓秋郊近桃李春園夜月多姑蔑舊宮
寒漂渺靈光新殿日巍巍詩人小大從公過錦繡天開壁沼荷

西湖雜詠

石洞天然傍水稀，翠光東壁綠陰肥。重驅力士開丹壑，共渡慈航禮白衣。身入藤蘿情澹合，坐當煙露氣霏微。年來蠟屐緣何事，溪北行春暮不歸。

翠履春雨

衣帶遙通七里灘，四時強半有東風。龍洲渡鰲浮杯塔，銅佛樓雄砥柱宮。佔客渴尋

秋露白，漁人歌闌夕。陽紅灘高，不害牆烏穩水驛。蒼蒼集野鴻。

風浩歸帆

永安門外踏晴沙，結伴携壺落日斜。兩岸土風喧蟋蟀，一溪秋月浸葭葭。欲疑杖化

逢羅遠，如聽琴言憶伯牙。泊鯉灘，聲分上下雙虹夾。鏡冷生華。

雙橋明月

擬補桑欽浙水經，派溪南望盡青松。青始知晉記桃源洞，不獨嚴陵處士星。精舍香深

春晝永，浮圖影斷晚雲停。人間只有漁家樂，爛醉船頭自獨醒。

石壁漁舟

粵考方輿邑乘篇，岑山表鎮古盈川。寒煙忽阻尋梅徑，臘雪頻高種麥天。無數幽人

侵曉看，其中逸士抱雲眠。還因涸轍陽和照，一夜平添百道泉。

岑山霽雪

宋室嘗聞功德林，昔賢自記好奇心。大書不見將軍樹，清聽空懷觀使琴。千里遠峯

看極目，十尋懸瀑足開襟。山如削，鐵泉如玉幾點胭脂絕賞音。

烏石飛泉

道院迎仙若有梯，多屏洞口入雙溪。千層岫嶂紅塵隔，一路松杉翠色齊。古跡志存

空，記載寶珠花畝少留題。去盈去後盈川句，付與空梁燕子泥。

畫屏松壁

括蒼北麓澗流長，曲繞靈山到下方。巖號雞鳴開曉夢，地乘龍德應文光。土人好客

楓林醉隣寺，催吟桂子香。憑弔神仙趙綠督，道遙不覺度清商。

雞鳴秋曉

龍邱祭酒漢高山，九朵芙蓉孰敢攀。東海尙書賢避世，議曹從事老投閒。但爲君子

師，三隱莫向仙家問。九還安正書堂連石室，梓花香入茆頭灣。

九峯仙壺

扁舟問渡午風輕，一幅拖藍翠織成。摩詰樓前新雨霽，澗溪亭下細流平。此間自少

山川險，凡事難逢早晚晴。往往來來紛市集，何人冷眼利和名。

雲水晴風

尋秋日日出東門，青帝祠邊葉滿村。總是三時芳草樹，幻成九日錦乾坤。清霜宿雨

經偏好，冷廟空山耐久存。四野紅粧如絳帳，笑他絲竹謝公墩。

東山紅樹

右詩悉錄自康熙志十二景詩最無取義，茲仍錄入者存康熙志十二景之

名。且小序云云亦一段小故事也。康熙志尙載余恂和詩，茲不復錄。又康熙

志尙載城隍廟迎神詩因缺六字無甚關係刪之

獅巖翻華嚴經

陳名夏

白馬傳經後青獅法座前
圓融無一字行布有三千嶽
澌輪靈氣星辰結大年衆生
猶未度不忍獨安禪

右詩錄自康熙志名夏字百史溧陽人有石雲居士集

龍邱山

余恂

半靈巖竇啓九曲翠屏遠
瀑濺晴翠雨雲蒸仙竈烟
登臨懷往跡棲遊歷翠賢
肅肅衣冠在清風滿洞前

金山菴二首

余恂

曲磴千盤上叢林一逕穿
山腰喧暗水樹杪出平田
地迥人天外雲生杖屨邊
殘碑猶可讀芙蓉憶當年

迢遞尋如見崢嶸到復增
樵歸鳥際路嵐濕佛前燈
偃息依叢竹攀躋仗短藤
猶傳

雙梵宇更在白雲層

雞鳴巖二首

余恂

傍巖開佛舍巖下碧流深坐進松花釀行尋楓葉林雲山遙入畫水石自成吟濠濮
心同遠無勞絲竹音

常日高樓望時時見此山崢嶸孤塔外迴合兩川間樹老排雲碧巖深宿雨班到來
回首地咫尺隔溪灣

東山小集

余恂

勝侶佳辰恣共尋東山風日稱登臨敢將絲竹希前跡自覺烟霞愜素心細草平鋪
春色遠疎簾斜駐夕陽深移樽更向高崗頂巖壑冷冷起暮吟

登靈鷲巖

余恂

共訪靈巖古道場寒雲蕭瑟斂朝陽林間徑入峯頭暝花底泉流洞口香樓閣縱橫
增眺望山川毫末細平章振衣咫尺天門近繚蹻真同萬里翔

童壇水閣和葉文若韵

余恂

樓影涵羣動蒼茫生遠汀山川供太白城郭入空青波遠疑浮塔松高欲作亭憶曾江上宿彷彿似中冷

白衣巖

余恂

誰道新增斧鑿痕巖空歸跡薛蘿存風帆細數中流楫雲樹遙分隔岸村千頃寒潭供引鏡半城夕照對開尊潮音洞壑真如在彷彿光疑現普門

翠光巖用胡宗憲韵

余恂

輕舟一葉汎淪漪嘯侶同遊慰夙期巖壑凌空眞作室雲烟繞岸自成幃濯纓喜傍澄江近揮灑愁看落照移何事當年橫槩意題詩欲擬峴山碑

龍邱先生祠有感

余恂

君不見龍邱先生生東京高隱避世稱獨醒賢人在邑邑爲重城郭遂以龍邱名古人姓氏垂不朽往往山川同其久我亦先生之邑人出處慚惶空俛首先生有屋九

峰巔先生有友釣臺邊龍邱之山巖子瀨客星萬古名雙懸先生已往祠山麓俎豆春秋歲相繼一自滄桑烽燧多棟宇爲薪萋草綠卽今懷古弔遺蹤仰止高山恨莫從欲識先生何處是亭亭祠畔一蒼松

含輝宮

余恂

十年不到景靈宮步履重來憶往蹤開戶舊當臨澗竹携書曾過隔林松一時農事歡春社幾處春聲接暮鐘俛仰忽驚風景異寒林蕭瑟慘秋容

余恂

發祥菴賞桂二首

初地傳雙樹門開傍水濱竹林如避客花氣自迎人小坐依幽砌輕陰淨遠塵眞來香國裡金粟憶前身

爛熳向空庭童童車蓋青叢條廻澗日細葉散繁星色靜燈常映香清雨乍經悟來無隱意不必問風鈴

余恂

烏石山次黃廣文韵

積晦喜初開盤紆度磴來雲根峰削就人語鳥飛迴遺構基空在精忠跡未灰猶思
屯萬騎倚馬住高台

姑蔑行

余恂

衢州古姑蔑地也郡小而貧苦賊苦飢無虛歲乙未尤甚民旦晚且盡矣無民何
以有土地不接鄙拙爲姑蔑行五百字代達下情以俟采風之獻

姑蔑浙水東昔在全盛日烟火藹相通蓋藏盈百室桴鼓靜無虞天行歲多吉秋成
輸井稅寬然廩所紉風俗習太康上下皆膠漆崇極理必圯時序有肅殺大難已戡
除殘孽猶奔突穰穰白馬徒聚亂如蟻蟲竄伏巖谷間以此爲窟穴雖無州府患此
輩未云滅毒螫遺四郊剽奪到蓬華兵者饑之源影響險箭疾父老數年來未見倉
庾實曰惟歲乙未惆悵尤難述方春舉趾初南畝土膏發播種亦始新霖雨何秩秩
殷軫雷霆門庭割波濤圻積潦排山根彌望百里沒穎粟未在田徵呼已及闔傷哉
此子黎何以資膏血昨者日出耒農父欣相悅敢祝籌筭盈萬一升斗活既晴不復

兩皇天胡酷烈維時方軍興舟楫朔吳越旌旗暗江徼戈鋌積霜雪供億責有司本
自閭閻出師行甚分明邑小實倉卒輟彼桔槔勞時此芻蕘物芻蕘有時供炎赫何
時絕旱氣如乾柴六月至十月青草野尚枯何況在秣稂盜賊用民勞其勢滋莫遏
焚蕩無完村瓦礫同一轍公然離其巢就就及城闕殺傷兼室宇非無防戍卒死者
聲煩冤存者生意竭居上豈不矜惠養難遽說朝廷有輸將所以代穗稭筐篚古王
制鎔鑄詎容缺通負愆厥供義合受鞭撻所嗟典鬻資十未能當一吾聞羣盜初本
亦服錢鏐驅迫使之然仁者宜戰慄煌煌渙汗音若保厘飢渴刺使並襲黃長吏亦
明哲豈弟夙所持撫綏應有術自當蘇瘡痍重冗妖氛豁予也下邑人粉榆實過恤
厝火寧不燃曲突甘居拙洒涕獻斯篇南望正蕭瑟

泮林八詠和黃符禹廣文韵

余恂

湖水不在廣有託乃得名鬱哉泮宮前方塘貯城陰詩書播餘澤披拂風冷冷仰見
嶺岫浮天然成丹青桃李煥初發遙映宮門春試問西子湖孰與絃歌聲

西湖

台勢若浮空中流屹然在以之補地氣不獨資夷壇荒榛久蔽虧啓辟自今較菱荷

環左右化雨每沾酒星橋法斗杓觀象得神解遊履任縱橫功成身不幸

印心台

平堤亘且修四顧不可涉屈曲度中央遙峰翠如潑怪石矗文星玲瓏非割截波濤

湧巨瀉神山半明滅感應有至理佳兆特預設光芒牛女間兩兩秦階列

文星殿

溶溶半壁水粲粲萬象涵借問濬何時颿風吹自南芹藻競芬敷淳泓蓄雲山致此

豈易言屠吻半已乾集事貴勇決一往如奔湍同是沫涘徒敢言弛負擔

泮池

人事有往復壯麗起傾危言茲樓台其始乃塗泥一朝成傑構舉嶽與雲齊斗杓

儼壁間羣彥咸皈依蒼翠富遠眸倚疏四面宜盡人可躋攀誰謂無階梯

本樓

翼相重觀射茲典已寂寥舊圃雖具存鳩乃居鵲巢迤邐泮宮西曠邈如林皋築室

克揖讓衆耦相和調審固在正鵠心志欽不驕君子咸於斯何有漢嫫姚

君子堂

聖人不可作傳者詩與書所重在講習末俗以爲迂龍山得先生師道乃不虛煌煌

立教旨行已守廉隅多士從之遊日夕春風俱翬彼鐘在懸扣擊無賢愚

龍山講院

仕宦亦何常心澹境自冷况乃一官清趣味彌覺永飛閣對南山纍纍時露頂圖書

左右陳供具惟杯茗雲烟日萬狀視之與身等得句偶會心莞爾成獨哂

冷閣

過童壇里許有石屋洞深廣各數丈其高可仰也詩以紀之

余恂

洞口翳日月銛舒勢參錯羅條入晦冥徑轉敞幽壑公然成夏屋穹窿垂四幕冰柱
撐虛空風穴司橐籥雕嵌轉玲瓏周遭更迴薄露泣乳欲流雲晴掌如削不知巨靈
手何年事斧鑿混沌一以開終古厲鋒鏑匄潛鎮生蕩漾虛光泊信美難久留山
鳴石欲落

右詩均錄自康熙志

夏久不雨毛子千以歲將大饑惻然憂之爲言邑南育澳龍井在焉可却而雨也
衆用其言兩應時樹予深歎其異詩以贈之

余恂

火雲餞餞色如赭斥鹵塵飛奔野馬泥牛石燕香茫茫田夫疾叫聲痞啞毛子從容
誦所聞此事不在祈方社葛澳靈湫貯毒龍覲巫曷不走其下初聞將信還將疑

踏且復臨中野吹竽代鼓北郊回淋漓雨已隨人瀉日氣敲蒸候欲無車輪急點紛
披打咄嗟飄忽真有神姬香神靈已飄瓦古來三殿與五車才人豈少登大雅董氏
春秋京氏易如君不愧讀書者吾聞五龍各有方噴雲噴霧不相假千陌縱橫地間
之九州未必同沾漉歎爾蒼生憂樂心暫時蜩螗屈武侯吟土龍局促何須道破壁看
君作雨霖

十飲齋酒人歌

有序

余恂

十飲齋者予兄士元氏於園左構三楹爲賓朋燕飲之所時取古人善飲者十人
各製一酒具爲供系之以贊而顏其齋曰十飲蓋所以志也予旣爲記以勸諸齋
壁復作長歌以咏之

芙蓉主人卜築幽園宛在鏡中游有竹萬個樹千頭交柯接葉枝相樛池塘六月
風颼颼欹枕高眠百尺樓讀書之暇思夷猶誅茅作室藏新蕒以御賓客供獻酬慨
然懷古志前修醉鄉名姓恣深搜有美十人拔其尤吾師吾師更何求椒漿桂醑旨

且柔何以奉之古鼎尚有口其哆角其觶枿檀香透琥珀浮木屨石量靡不收題以
十品各以儔祭而後飲吾從周往來過從誰者優二三同志恣淹留草木臭味無薰
藉奇文疑義相校譬高談雄辯麗以適經史爲柁酒爲舟興來刻燭吟詠悠近者王
孟遠曹劉引杯浮白潤詩喉欸欸密坐彌綢繆瓶罍不罄轄不投五斗一石恣自由
主賓相得何油油今之飲者飲以牛交游雜沓車前騶杯盤狼藉錯觥籌高語放達
稱醉侯幕天席地營精邱搖扇弄吻生戈矛北斗已沒河漢流欲止不止睜雙眸眈
長夜飲古所試酒之殘賊德之仇十飲齋中有此不

甘泉歌送家虎臣之任

余恂

郊原蕭槭秋氣入城笳樓笛聲翕習鴻雁徘徊鵲鶴急代馬嘶向西風立問君何所
往云往古甘泉黃茅白草關塞闢鳳凰千轉雲霄邊暗塵茫茫狐兔竄此地未秋芳
草歇名成不改漢山川道遠長看秦日月知君抗志誠無比嚼雪餐霞心若此高旌
大纛滿人世城郭蕭條君百里只今且免烽火照近日更無秦一時防邊刁斗聊不